

■ GLOSSA

Dad umens ed auters utschels

DA BARBLA ETTER

Ultimamain sun jau puspè stada cun Harry e Hans a far ina tura tras las muntognas. Quai è en sasez stada ina bella tura bunamain normala, ma ina episodica speziala è alura tuttina capitada. Sper via seseva in corv e Harry m'ha dumandà en plaina seriusadad: «Morda quel?» Forsa ch'el morda ad uschè in utschè sco ti, hai jau pensà, ma il corv è simplamain sgulà davent.

Il proxim di hai jau survegnì in SMS da Hans cun il suandant text: «Bella tura ier. Oz relaxar sin aclà. Ti?» Aha. – Ussa spargna el er anc cun duvrrar plets en ils SMS, hai jau pensà ed jau hai chattà quai in pau malamiaivel, quest stil da comunicaziun senza salid a l'entschatta e surtut quest «Ti?» a la fin.

Vul dir, jau ma sun gnervada: primo Hans saveva precis che jau stueva lavurar il proxim di, segun-

do Hans sa che jau hai nagin'acclà e terzo, quest «Ti?» ma pareva adina pli sgarschaivel, pli ditg che jau hai guardà sin el. En in SMS han piazza dapli che mo quels 40 segns che Hans ha duvrà e sch'el relaxescha, avess el bain pedada da scriver frastas entiras. Tut mes scolasts (ed er ils scolasts masculins) avevan pli baud insisti trasora che nus stoppian scriver frastacumpletas. Pertge na sa Hans betg scriver frastas entiras?

Anc meglier èn quels (umens) che entschavian ils SMS cun «Hei ti!» Na sa regordan els betg pli da mes num? U scrivian els il medem SMS a 10 dunnas? Quai spargna segir blier temp e forsia schizunt ina u l'autra confusiun.

Dunnas ed umens communiteschan a moda differenta e scriver SMS suttastat a reglas spezialas u meglier ditg a naginas reglas. Il proxim di survegn jau dentant in e-mail

da Hans: «Jau hai barbagiat. Ti?» Schont puspè quest «Ti?»!

Problamain sto el spargnar temp cun scriver – jau ma poss gist imaginar, co ch'el pitga cun dus dets sin la tastatura disturbond tut ils collegas en in radius da 20 meters. Enstagl da spargnar plets fiss quai forsia in'idea dad investir en in curs da scriver cun diesch dets – u sco alternativa en in curs da comunicaziun.

In curs da comunicaziun fiss er insatge per Luca. El è dacurt vegnì sin ina visita curta da l'Italia. L'emprim ha el ina giada lamentà da ses problems cun la lavur etc. Mia collega ed jau essan alura idas a baiver in café cun el per al encurschar in pau. Mia collega ha tuttenina fatg ciao ad in giuven ch'è passà davant l'ustaria. Sin quai dumonda Luca dalunga: «È il tuo fidanzato?» Mia collega ha guardà a Luca, sco sch'el vegniss dad in auter planet ed ha ditg na. Mintga strolì sin via n'è segir betg ses fidanzato! Sin quai dumonda Luca dalunga, sche nus vivian sulettas. Craja Luca uss en tutta seriusadad ch'el possa vegnir in bel di da l'Italia e gist star qua? Il pugent anc tar ina da nus duas a chasa: gratis e franco. Na, na. Tge pensa quest utschè atgnamain? Mintgant èsi propi da tschiffar utschels cun ils umens e lur comunicaziun.

